

ル 5  
1353  
3



門 八 呂 6  
 浦 1.353  
 卷 3





江蘇全圖

統計八府一廳三直隸州

江寧府	上元	高淳	江浦	句容	六合	溧水	揚州府	江都	甘泉
興化	寶應	應城	淮安府	清河	阜寧	鹽城	儀徵	高郵	銅山
泰州	東臺	豐沛	清江浦	清河	阜寧	鹽城	儀徵	高郵	銅山
州	宿遷	睢寧	邳州	清河	阜寧	鹽城	儀徵	高郵	銅山
蘇州府	吳	長洲	元和	崑山	震澤	新陽	如皋	海門廳	蕭
常州府	武進	宜興	無錫	金匱	奉賢	鎮江	鎮江	鎮江	鎮江
府	丹徒	金壇	丹陽	溧水	嘉興	崇明	鎮江	鎮江	鎮江
府	丹徒	金壇	丹陽	溧水	嘉興	崇明	鎮江	鎮江	鎮江

江蘇全圖



上乙卷于蓋川系圖示

直隸斤屬少果園云

江蘇境衆水歸合表

海	射陽湖 白塗河	太湖 婁江	白蠟江	江浦 吳淞	松江 合黃	游水 獨溝水	淮水 秦淮	大河 入江	大江 今復西流河	洪澤湖 舊漕河	泡水 按水	沂水 自沂州			
大江															
黃河															
淮水															
清河	茂湖	水注	二湖	注尹	河沙	僅存	奪水	爲河	水所	水治	並注	沙河	水術	雖水	按水
運河	浙入 自山 又南 入														

乾隆府廳州縣圖志卷五

賜進士及第翰林院編修充 國史館纂修官 臣 洪亮吉 撰

江甯布政使司

江甯府 衛繁疲難

原額八丁一十九萬八千五百一十八  
又滋生人丁一萬五百四十六

禹貢揚州之域戰國時楚金陵邑秦改曰秣陵屬障郡二漢爲  
 丹陽郡建安十六年孫權建都移置丹陽郡兼置揚州東晉亦  
 都此改丹陽太守爲尹隋平陳郡始廢改曰蔣州大業三年復  
 曰丹陽郡唐武德三年復曰揚州七年改蔣州八年復舊置大  
 都督府九年揚州移治江都至德二載置江甯郡乾元元年改  
 曰昇州上元二年州廢光啟三年復置昇州屬江南道天祐二  
 年楊行密置大都督府五代楊吳武義二年改曰金陵府石晉

天福二年南唐李氏建都改為江甯府謂之西都宋開寶八年復為昇州天禧二年升為江甯府建康軍節度屬江南東路建炎三年改為建康府元至元十四年升為建康路二十三年自杭州移江南諸道行御史臺于此天曆二年改為集慶路明太祖定都于此改曰應天府置江南行中書省永樂二年以為行在正統六年定為南京

本朝改曰江甯府隸江蘇布政使司乾隆廿五年復設江甯布政使司舊安徽布政使司寄治此分設後安徽布政使司移治安慶府江甯諸府屬焉為總督江南江西部院治所織造兼督龍江西興關稅務及江安糧儲道鹽法道並駐此

府境 東西距三百四十里 南北距三百八十里 東至鎮江府丹陽縣界一百六十里 西至和州界一百八十里 八到

南至甯國府宣城縣界二百四十里  
北至泗州縣長縣界一百四十里  
東南至鎮江府溧陽縣界一百九十里  
西南至太平府當塗縣治一百三十五里  
東北渡江至揚州府儀徵縣治一百三十五里  
西北渡江至滁州府一百四十里  
自府治至京師二千四百四十五里

土貢 銅 鐵 葛布 石 慈石 石墨紙 鮓魚 達摩  
菊 蒼木 蕘 黃連香

管縣七 上元 江甯 句容 溧水 高淳 江浦 六合

上元縣 衡繁難郭下 有清化靖安土橋石步四鎮巡檢三駐清化及江東所江淮所

漢秣陵縣地後漢建安十六年孫權都之改置建業縣為丹陽郡治晉太康三年改業為鄴建興初又曰建康東晉至陳並都此隋平陳省建康改置江甯縣仍為丹陽郡治唐武德三年改曰歸化為揚州治八年改曰金陵九年又改曰白下屬潤州貞

觀九年仍曰江甯至德二載于縣置江甯郡乾元元年爲昇州  
治上元二年州廢改縣曰上元屬潤州光啓三年復爲昇州治  
明爲應天府治

本朝爲江甯府治

鍾山在縣東北朝陽門外古金陵山也三國吳改名蔣山明嘉  
靖中又改爲神烈山覆舟山在縣東北太平門內攝山在縣東  
北五十五里周四十里

大江在縣北四十里南岸自太平府當塗縣界北岸自和州界  
東北流入江甯縣及縣境北岸逕江浦六合東南又東逕句容  
縣北與揚州府儀徵縣分界又東入鎮江府界亦曰揚子江  
秦淮源出自溧水縣北西北流合諸水逕府城東南入通濟門  
橫貫城中西出江甯縣三山水門又西北沿石頭城西又西北

### 入大江

元武湖在縣西北七里周四十里宋熙寧後廢爲田僅存一池  
明初復開濬中有舊洲新洲及龍引連萼等洲置庫于洲上以  
貯天下圖籍

新開河在縣東北三十里自攝山北抵京口排灣共一百二十  
里乾隆四十五年巡撫部院吳壇奏開以避黃天蕩之險四十  
八年始通行

晉故臺城在縣治北元武湖側亦名苑城

五代南唐故宮城在縣城內亦曰皇城周四里二百八十步紹  
興二年增修爲行宮元改爲御史臺治明太祖建軍府于此尋  
爲王府又建爲皇宮後又改築皇城于東偏稱此爲舊內  
明故紫禁城在縣城內東偏當鍾山之陽明太祖建故宮卽在

城內今鎮守將軍領滿洲兵于此駐防副都統分駐京口

建康故城在縣南三里白下故城在縣西北白石陂丹陽郡故城在縣東南郡本治宛陵晉太康二年移治建業金陵記今武定橋東南有長樂巷是其地湖孰故城在縣東南五十里丹陽鄉淮水之北晉懷德故城樂史云費縣故城在上元縣西北九里南徐州記曰卽襄德縣臨沂故城在縣東北長甯鄉白常村距縣三十八里晉廢魏郡在縣界

石頭城在縣西石頭山治城在縣西五里西州城在縣西二里今武衛橋卽古西州橋城當在其處東府城在縣東青溪橋東南臨淮水周三百九十步

淳化鎮在縣東四十五里淳化五年置王存云縣有淳化土橋湖孰石步四鎮

吳大帝蔣陵在縣東北十五里鍾山南麓

晉元帝建平陵明帝武平陵成帝興平陵並在縣北五里雞籠山又哀帝安平陵在山南康帝崇平陵簡文帝高平陵孝武帝隆平陵安帝休平陵恭帝冲平陵並在縣東北二十里蔣山西南

宋武帝初甯陵文帝長甯陵並在縣東北二十二里又孝武帝景甯陵在縣西南四十里巖山明帝高甯陵在縣北十九里幕府山東南

陳武帝萬安陵在縣東三十八里方山西北文帝永甯陵在蔣山東北宣帝顯甯陵在牛頭山西北

明太祖孝陵在縣東北朝陽門外

本朝立陵戶守衛

江甯縣

衝繁疲郭下

有秣陵江甯金陵三鎮巡檢二一駐秣陵江甯

乾隆府州縣圖志卷五

四

晉太康元年分建業置臨江縣二年更名江甯三年又分建業置秣陵縣隋平陳省秣陵入江甯唐初為上元縣地天祐十四年楊吳復析上元置江甯縣與上元皆為昇州治

牛頭山在縣南三十里銅山在縣東南七十里周十九里昔人采銅于此故名三山在縣西南濱江吳時為津濟所烈山在縣西南七十里烈洲旁有磯突出湍間曰亂石磯

婁湖在縣東南與上元縣分界

查浦在縣西南十里建康志吳時夾淮立柵自石頭南上十里至查浦又南上十里至新亭又南上十里至新林又南上十里至板橋又東上三十里至烈洲

蔡洲在縣西南江中樂史云洲周五十五里

秣陵故城在縣東南五十里今名秣陵鎮又縣故城在今縣西南六十里江甯鎮

陳建興廢郡在縣東南按陳書大建十年以同夏縣屬建興郡今同夏廢縣在上元縣東梁書武帝紀宋大明八年生于秣陵之同夏里三橋宅後升為縣唐安業廢縣在縣南丹陽廢縣在縣南八十里又小丹陽路在縣南與當塗縣接界

龍江關在縣西儀鳳門外明設戶部鈔關于此專理粟帛雜用之稅

本朝康熙二十八年始并兩稅為一又新江關在縣西江東門

外

句容縣繁難西至府九十里

有白土常寧東陽下蜀龍潭五鎮巡檢一駐龍潭

漢舊縣屬丹陽郡隋改屬江都郡唐武德四年于縣置茅州七

乾隆府州縣圖志卷五

五



年州廢縣屬蔣州九年屬潤州至德二載屬江甯郡乾元初屬昇州上元二年屬潤州光啟三年仍屬昇州宋天禧四年改曰常寧尋復舊

茅山在縣東南六十里竹里山在縣北六十里六朝時京口至建康皆取道于此又名翻車峴銅冶山在縣北六十五里出銅鉛歷代采鑄謂之銅山

赤山湖在縣西南與上元縣界上接九源下通秦淮周二十里秦江乘故城在縣北六十里琅邪僑郡城在縣北今有琅邪鄉即其地

金城在縣北

龍潭鎮在縣西北八十里逼臨大江乾隆十六年

上南巡關為

御路今自江甯至鎮江道皆由此

溧水縣

簡西北至府一百四十里

有孔家一鎮

漢溧陽縣地隋開皇十一年改置溧水縣屬蔣州大業中屬丹陽郡唐武德三年屬揚州九年屬宣州乾元初屬昇州尋復屬宣州光啟三年又屬昇州元貞初升為溧水州明初復為縣中山在縣東十里又名獨山不與羣山連接前有水源號為獨水東廬山在縣東二十里建康志山有水泉三一自山西流入秦淮河一自山東北流入馬沈港一自山東南流為吳漕河入丹陽湖又蘆塘山在縣東南二十三里梁大同二年嘗采銅錫于此銅山在縣西南四十里亦產銅

石臼湖在縣西南四十里西與當塗縣分界

高淳縣

簡西北至府二百四十里

有廣通固城水陽三鎮  
巡檢一駐廣通

本溧水縣地宋置高渚鎮明宏治四年分置高渚縣  
古中江自蕪湖縣東流入縣北又東逕溧陽縣界自唐宋時築  
銀林五堰中江遂不復東

丹陽湖在縣西接當塗縣界應劭曰溧水出南湖又桐水卽胥  
河在縣東南四十里杜預云桐水西北入丹陽湖

五堰在縣東廣通鎮中江下流唐景福元年楊行密將臺濠作  
五堰拖輕舸運糧宋元祐間宜興進士單諤著書言修臺濠五  
堰蘇常之水十可去其七八其後商人販賣簾木東入二浙者  
以五堰爲阻給官廢去于是宣歙諸水多人荆溪明韓邦憲東  
垣考太祖初都金陵以蘇浙糧道自東垣入可避江險洪武二  
十五年復浚胥溪河爲運道建石閘啓閉因置廣通鎮又鑿溧  
水縣臙脂河丹陽諸湖之水會秦淮以入江于是蘇浙運道經

東垣直達金陵永樂初運道廢改築土垣自是宣歙諸水希入  
震澤嘉靖三十五年倭入寇商旅多由垣上行復于垣東十里  
許古分水堰處更築下垣謂之東西二垣而統名曰東垣按宋  
宣和七年詔開江東古河自蕪湖由宣溪溧水至鎮江渡楊子  
趨淮汴免六百里江行之險卽今東垣河也

固城在縣南三十里

江浦縣

衝東南至府四十里

有高望香泉葛城三鎮

漢堂邑全椒二縣地東晉爲尉氏縣地宋大明七年置懷德縣  
兼置臨江郡梁兼置臨涂郡陳郡縣俱廢隋以後爲六合縣地  
明洪武九年始析六合縣及滁和二州地置江浦縣

沙河江水支流也在縣東三十里東流至六合縣瓜步口復入  
江宋會要天聖三年發運使張綸請開真州長蘆口河屬之江

卽此滁水自滁州東流入逕縣北三十里又東逕六合縣南又東至瓜步鎮東南入江一名後河一名天河

劉宋懷德廢縣在縣西梁臨滁廢郡在縣西北郡舊治葛城俗呼爲羅城

浦子口城在縣東二十五里

有瓜步長蘆皇化竹鎮四鎮巡檢一駐瓜步

六合縣簡南至府一百二十里  
春秋楚堂邑後屬吳漢置堂邑縣屬臨淮郡後漢屬廣陵郡晉仍屬臨淮惠帝永興元年分立堂邑郡安帝改爲秦郡又改堂邑置尉氏縣齊永明初罷秦郡以縣屬齊郡梁復置秦郡大寶元年侯景以郡置西兗州尋改秦州陳大建五年州廢十年復置義州後周改曰方州又改郡曰六合隋開皇初郡廢四年改尉氏曰六合大業初州廢以縣屬江都郡唐武德七年復置方

州貞觀初州廢屬揚州五代南唐于此置雄州周顯德中州徙仍爲六合縣宋至道二年改屬真州明洪武三年屬揚州府二十一年改屬應天府

六合山在縣西南縣因山爲名瓜步山在縣東南二十里東臨大江瓜步城卽在山側冶山在縣東北五十里山產銅鐵及磁石

堂邑故城在縣北蕭齊廢齊郡在縣東南方山廢縣在縣東方山下瓦梁廢郡在縣西

揚州府

衝繁疲難

原額人丁二十六萬六千七百九十四  
又滋生人丁八千七十四

禹貢揚州之域戰國時楚廣陵邑秦屬九江郡後分置東陽郡漢初屬荊國後屬吳國景帝四年改置江都國元狩四年改爲

廣陵國後漢為廣陵郡三國初屬魏後屬吳晉仍為廣陵郡東晉大甯中僑置兗州宋元嘉八年始定為南兗州北齊改東廣州又增置江陽郡與廣陵郡並治陳大建五年復為南兗州後周改為吳州隋開皇初郡廢始改州曰揚州置總管府大業初府廢尋復曰江都郡唐武德三年復曰兗州置東南道行臺七年改曰邗州九年始復曰揚州置大都督府天寶初曰廣陵郡至德初兼置淮南節度使于此乾元初復曰揚州五代初楊吳都此改江都府後屬南唐以為東都周顯德中復曰揚州仍置大都督節度宋初曰揚州廣陵郡淮南節度分為淮南東路治建炎初升為大都督府元至元十三年置大都督府又置江淮等處行中書省十四年改揚州路屬河南江北行中書省明曰揚州府直隸南京

本朝初屬江蘇布政使司後屬江甯布政使司督理兩淮鹽漕察院及都轉鹽運使並駐此

府境 東西距四百七十里 南北距三百一十里

入到 東至海岸通州如臯縣界三百六十里 西至江甯府六合縣界一百一十里 南渡江至鎮江府丹徒縣界四十里 北至淮安府山陽縣界二百六十里 東南至通州泰興縣界八十里 西南至江甯府江浦縣界二百一十里 東北至泗州府盱眙縣界二百五十一里 自府治至京師二千二百七十五里

土貢 白綾 錦綺 土紬 州布 木綿 銅鏡 鹽 菱 鳧茨 鱔鯉 鱖魚 鮑魚 柘木 勺藥

管縣六州二

江都 甘泉 儀徵 高郵州 興化 寶應 泰州

東臺

江都縣

衝繁疲難郭下

有瓜州萬壽宜陵三鎮巡檢一駐萬壽

戰國楚廣陵邑秦置廣陵縣漢景帝四年為江都國治兼置江都縣三國時魏移廣陵郡治淮陰省江都入廣陵縣屬之晉太康中復置江都縣尋省東晉後仍以廣陵縣為郡治劉宋兼領江都縣隋開皇十八年改廣陵縣曰邗江大業初又改曰江陽為江都郡治仍領江都縣後移江都縣入都郭省江陽縣入之唐武德中以江都為揚州治貞觀十八年又分置江陽縣與江都分理州郭五代南唐時又改江陽曰廣陵宋熙寧五年省廣陵入江都為揚州治

蜀岡在縣西北八里一名昆岡綿亘四十餘里西接儀徵六合界東北低茱萸灣

大江在縣南四十里自江甯府六合縣流逕儀徵縣入縣南瓜

洲鎮又東入通州泰興縣界班固云滸氏道江水東南至江都入海有江水祠

運河即古邗溝水左傳哀公九年吳城邗溝通江淮舊曰官河北自淮安府山陽縣界南流入逕寶應縣高郵州西又南逕府城東北繞城而南至楊子橋三汊口分為二支一支西南流逕儀徵縣東又分為二一南流至舊江口入江一西南流至下江口入江為上江糧運入河之口一支南流即伊婁河至瓜州鎮西南入江為江南糧運入河之口

廣陵故城在府東北即蕪城縣故城在今縣西南四十六里今為水侵無復遺址

鈔關在縣南門外為水陸要衝巡撫部院委官榷稅

瓜洲鎮在縣南四十里江濱昔為瓜洲村宋乾道四年始築城

置堡王存云縣有楊子板橋大儀灣頭邵伯宜陵瓜洲七鎮按

明又設萬壽歸仁宜陵三鎮今大儀邵伯等鎮分屬甘泉

甘泉縣衝繁疲難郭下有上官大儀邵伯三鎮巡檢二駐

本朝雍正九年分江都縣置以縣西甘泉山得名

艾陵湖在縣東北四十五里西接官河東北通綠洋湖又有白

茆大石黃子等湖

漢興縣故城在縣西四十五里南齊齊寧故城在縣東北

新城在縣北十八里晉太元十一年謝安出鎮廣陵之步丘築

壘曰新城

隋江都宮在縣西七里又臨江宮在江都縣西二十里亦曰楊

子宮

邵伯埭在縣北邵伯鎮下開西岸旁即邵伯湖

隋煬帝冢在縣西北雷塘

儀徵縣衝繁東北至府七十里有新城一鎮巡檢一駐舊

漢江都縣地唐永淳元年分置楊子縣五代時南唐改曰永貞

縣宋乾德二年以迎鑾鎮為建安軍雍熙二年以永貞縣屬焉

後改永貞縣為楊子大中祥符六年升軍為真州徙楊子縣于

州郭政和七年賜名儀真郡屬淮南東路元至元十三年升真

州路二十一年復曰真州屬揚州路明洪武二年以州治楊子

縣省入仍改曰儀真縣屬揚州府

本朝雍正元年改儀徵縣

銅山在縣西北二十五里各大銅山山之東麓又有小銅山皆

產銅宋時淮南鼓鑄莫勝于真州舊有廣陵丹陽二監又置冶

官于小銅山西北五里冶山在縣西北四十里山產磁石

愛敬陂在縣東北二十里接江都縣西境李吉甫云漢陳登為太守所開人號為愛敬陂亦曰陳公塘圖經唐宋屢修之以通漕溉田明初漸淤

楊子廢縣在縣東南善應鄉

高郵州 衝繁南少西至府一百二十里

有三梁北阿樊良時堡四鎮巡檢二駐時堡及界首

漢置高郵縣屬廣陵國後漢屬廣陵郡三國時廢晉太康元年復置屬臨淮郡宋仍屬廣陵郡梁置廣業郡尋改神農郡隋開皇初郡廢屬江都郡唐屬揚州宋開寶四年置高郵軍熙寧五年廢為縣元祐元年復為軍建炎四年升為承州紹興五年復廢為縣三十一年復為高郵軍屬淮南東路元至元十四年置高郵路二十一年改高郵府屬揚州路明洪武元年改為州屬

### 揚州府

高郵湖一名新開湖在州西北三里周一百五十里天長以東之水皆匯此湖達于運河甓社湖在州西北三十里又有武安石白樊梁平阿鼉潭及珠湖五湖等湖

劉宋臨澤廢縣在州東北九十里臨澤鎮高郵軍新城在州東北

北阿鎮在州西北九十里東晉時嘗僑置幽州太元四年苻秦將俱難彭超圍幽州刺史田浴于三阿去廣陵百里即此

興化縣 衝難西南至府一百六十五里 有陵亭芙蓉安豐三鎮

漢海陵縣地五代時楊吳始置興化縣屬揚州南唐改屬泰州宋建炎四年改屬承州紹興五年廢縣為鎮入海陵十九年復為縣仍屬泰州清熙四年屬高郵軍元屬高郵府明曰高郵州

興化縣屬揚州府

海北自淮安府鹽城縣界南抵縣境及泰州東北有捍海堰又南入通州界

大蹤湖在縣北四十五里湖中與鹽城縣分界西北通寶應縣射陽湖縣境又有吳翁平望千人得勝白沙等湖

白塗河在縣東北十里

本朝康熙三十七年以下河洩水入海之處甚少議挑車路白塗海溝三河使興化所受之水由丁溪草堰白駒入海雍正九年開濬工竣

寶應縣

衝繁南至府二百四十里

有射陽槐樓衡陽黃浦四鎮巡檢二駐槐樓衡陽

漢置安平縣屬廣陵國後漢屬廣陵郡晉廢蕭齊改置安宜縣

屬陽平郡梁為陽平郡治兼置東莞郡隋開皇初二郡皆廢縣

屬江都郡唐武德四年于縣置滄州七年州廢縣屬楚州上元

三年于縣得定國寶因改曰寶應宋慶曆三年置寶應州尋改

州為軍元至元十六年改置安宜府二十年府廢以縣屬高郵

府明日高郵州寶應縣屬揚州府

射陽湖在縣東六十里湖東屬鹽城西北屬山陽西南屬縣境

縈回三百餘里為群川之委流東達于海班固云江都渠水首

受江北至射陽入湖又有津湖及記光灑大白馬廣洋博支等

湖

白水陂在縣西八十里鄧艾所作與盱眙破釜塘相連開水八

門立屯溉田萬二千頃宋元嘉末嘗決此塘以灌敵隋大業中

破釜塘壞水北入淮于是白水塘亦壞



安宜舊縣在縣西南

石鰲城在縣西

泰州

繁疲

西至府一百二十里

有海安斗門樊汭海安四鎮巡檢二駐海安

戰國楚海陽地漢置海陵縣屬臨淮郡後漢省晉太康元年復置屬廣陵郡義熙七年于縣置海陵郡劉宋移郡治建陵縣以海陵縣屬廣陵郡梁移郡還治海陵縣隋開皇初郡廢縣屬江都郡唐武德三年改縣曰吳陵于縣置吳州七年州廢縣復曰海陵屬揚州五代時南唐于縣置泰州宋曰泰州海陵郡屬淮南東路元至元十四年置泰州路二十一年復為州屬揚州路明洪武初仍曰泰州省海陵縣入焉屬揚州府運鹽河自府城北灣頭插下承邵伯新河水東流逕州西三十

里斗門鎮又東至城南北通城壕貫城為市河中經運河垣又東行一百二十里至海安鎮入如臯縣界

包老湖在雞雀湖之東周四十里水至清無滓雖與他水會流亦不雜挈壺氏以供滴漏又有鴨子湖在州南二十里

劉宋海安故城在州東南一百里晉建陵僑縣在州東北七十里甯海廢縣蒲濤廢縣在州東南泰州新城在州北五里宋端平中州守許堪修州城別築堡城于湖蕩中謂之新城德祐二年元阿朮遣拔新城留屯以逼泰州元至正十三年張士誠入泰州燬州城乃修新城四面恃水設義兵元帥府及州治于此既而明徐達兵至遂夷新城移州復還舊治

東臺縣

繁疲難

西至府二百四十里

有西溪一鎮

乾隆二年分泰州東境置

海陵監在縣治樂史云南唐昇元元年于海陵縣置管鹽場八  
南四場北四場開寶七年移于如臯圖說監在州東北東臺場  
明鹽運使分司于泰州者駐東臺場所轄并茶角斜富安安豐  
梁塚東臺丁溪小海何塚草堰凡十場為中十場而以西溪為  
總會之所又有白駒場劉莊場屬淮安分司按今兩淮所轄有  
板浦中正等二十三場皆置大使

曾孫用勲校刊

乾隆府廳州縣圖志卷六

賜進士及第翰林院編修充 國史館纂修官 臣 洪亮吉撰

江甯布政使司

淮安府 衝繁疲難

原額人丁二十七萬一百六  
又滋生人丁二千四十

禹貢揚徐二州之域春秋屬吳戰國屬楚秦屬九江郡漢為射  
陽鹽濱淮陰等縣屬臨淮郡後漢分屬廣陵郡及下邳國三國  
屬魏晉初為廣陵郡治義熙七年始分射陽地置山陽郡宋泰  
始中于淮陰置北兗州梁改曰淮州東魏兼領山陽淮陰二郡  
北齊廢淮陰郡周僑置東平郡隋開皇元年改郡為淮陰立楚  
州尋與山陽郡俱廢十二年移州治山陽大業初州廢屬江都  
郡唐武德四年于山陽置東楚州八年更名楚州天寶初復曰

淮陰郡乾元初復曰楚州屬淮南道五代唐天成三年楊吳升為順化軍後周顯德五年軍廢宋初曰楚州山陽郡隸淮南東路紹定元年改州為淮安軍端平元年又改軍為淮安州元至元十四年立淮東路總管府二十年升淮安路屬河南行省明為淮安府直隸南京

本朝定屬江甯布政使司總督漕運部院及分巡淮揚道駐此總督南河部院及河庫道駐清江浦六塘河務同知駐高家堰

府境 東西距四百四十里 南北距二百六十里 東至海州界二百三十里 西至泗州界二百一十里 南至揚州府寶應縣界八十里 北至海州府沐陽縣界一百八十里 東南至揚州府泰州治四百九十里 西南至泗州府盱眙縣治一百八十里 東北至海州一百八十里 西北至徐州府宿遷縣界一百九十里

自府治至 京師一千九百七十五里

土貢

鹽 布 鐵 皮貨 魚 海標蚌

管縣六

山陽 阜甯 鹽城 清河 安東 桃源

山陽縣

衝繁疲難郭下

有清江浦北神廟灣三鎮巡檢一驛板閘

漢置射陽縣屬臨淮郡後漢改屬廣陵郡三國時廢晉太康元年復置仍屬廣陵郡東晉後廢義熙中改置山陽縣兼置山陽郡隋開皇初郡廢為楚州治大業初州廢以縣屬江都郡唐復為楚州治宋紹定元年改為淮安軍治端平初為淮安州治鉢池山在縣西北十五里今堤此以禦河患

淮水自泗州盱眙縣流入滙為洪澤湖至清河縣南清口黃河自西南來會之又折東北經縣境又歷東安阜甯入于海按班

固云淮水至淮陵入海舊說謂淮陵乃淮陰之誤

運河在府城西又西北逕清河縣境達清口踰黃河在清河縣境者又名中河又西北逕桃源縣入徐州府宿遷縣界圖說其在府城南者即古邗溝亦名山陽瀆明初以來之舊運河也自清江浦達淮入黃河者明永樂中平江伯陳瑄所開名清江浦即宋沙河故道也又老灌河在縣西北七十里古謂之灌口隋大業中築汴堤自大梁至灌口即此五代周嘗鑿之今堙清江浦在縣西北三十里舊名沙河土名烏沙河古運道自府城東北入淮

射陽故城在縣城東南宋新城故縣在縣西三十里

淮安鈔關在縣西北十一里板閘鎮督理淮宿關稅務駐此

雲梯關在縣東北二百里黃淮入海故道

高家堰在縣西南四十里洪澤湖之東北自武家墩南至棠梨

樹接泗虹州盱眙縣界長九十里相傳後漢廣陵太守陳登始

建明永樂中平江伯陳瑄重築萬曆六年總河潘季馴再築

本朝歷年增修

阜甯縣

疲難西南至府一百六十里

有馬邏北沙蒙隴三鎮巡檢駐草堰

本朝雍正九年析山陽鹽城二縣置

射陽湖在縣城北與鹽城寶應分界

鹽城縣

繁難西北至府二百四十里

有大岡沙溝岡門新河安豐清溝喻口新興上岡九鎮巡檢二駐沙溝上岡

漢置鹽瀆縣屬臨淮郡後漢改屬廣陵郡三國時廢晉太康二

年復置義熙中改曰鹽城屬山陽郡北齊置射陽郡後改鹽城

郡隋開皇初郡廢以縣屬江都郡隋末置射州唐武德七年州

廢復置鹽城縣屬楚州五代南唐割屬泰州宋太平興國三年  
還屬楚州紹興元年屬漣水軍三年還屬楚州

馬鞍湖在縣西南三十里其水東溯官河西北達東塘河由射  
陽湖入海

鹽瀆故城在縣西北

范公堤在縣東門外二里即捍海堰也南抵通泰北接山陽長  
五百餘里唐黜陟使李成所建宋范仲淹重修故名

鹽城監在縣南歷代海岸煎鹽之所南唐置監後因而不改凡  
管鹽場九圖說在鹽城者四白駒劉莊五祐新興在山陽者一  
曰廟灣

清河縣

衝繁疲難東至府五十里

有馬頭洪澤老子漁溝  
潤橋官亭大河口王家  
營娘子莊九鎮

秦置淮陰縣漢屬臨淮郡後漢改屬下邳國晉初為廣陵郡治

宋泰始中僑置兗州治淮陰南齊曰北兗州梁曰北雍州淮陰

郡東魏曰淮州北齊廢為懷恩縣周改縣曰壽張又僑立東平

郡隋開皇元年復改郡為淮陰兼立楚州尋廢郡改縣曰淮陰

大業初州廢又并縣入山陽唐初復置武德七年省乾封二年

復置宋紹興五年廢為鎮明年復置清熙九年始分西北界置

清河軍及清河縣屬淮南東路元至元十五年廢清河軍以清

河縣屬淮安路明屬淮安府

新河在縣西北四十五里明萬曆二十三年為分黃河開今淤

廢

洪澤湖在縣南六十里洪澤鎮西亦名富陵湖長八十里與泗

虹州盱眙相接湖東岸即高家堰宋熙寧四年開洪澤湖達于

淮三角湖在縣西北八里縣治自西北至東北境湖澤相連大小以數十計

淮陰故城在縣東南五里東晉劉隗謝安皆于此屯兵爲重鎮淮陽故城在縣西南角城故城在縣東南或作甬城舊治在淮水之北泗水之南亦謂之泗城縣故城在今縣東北大清河口甘羅城韓信城並在縣東

安東縣

繁西南至府六十里

有太平長樂魚場口三鎮

漢置淮浦縣屬臨淮郡後漢改屬下邳國晉屬廣陵郡宋省明帝僑置東海郡及襄賁縣齊曰北東海郡東魏武定七年改曰海安郡隋開皇初郡廢改縣曰漣水屬東海郡唐武德四年于縣置漣州貞觀八年州廢屬泗州總章元年改屬楚州咸亨五年還屬泗州宋太平興國二年以縣置漣水軍熙寧五年廢爲

縣屬楚州元祐二年復置軍紹興二年廢爲縣三十二年復爲軍金皇統二年降爲縣屬海州紹定元年歸宋屬寶應州端平元年復爲漣水軍景定元年升安東州元省漣水縣入州屬淮安路明洪武初廢州爲安東縣屬淮安府

海自海州界入縣東爲淮水會黃河入海之口其南岸爲阜甯縣境又折而東南至鹽城縣東又東南接揚州府界

游水今名漣河在縣北源出碩護湖分爲三曰中漣東漣西漣班固云淮浦縣游水北入海碩護湖在縣西北一百二十里一名碩灌湖又名碩項湖又名太湖縣境又有傅湖飛湖

淮浦故城在縣西漣水故城在縣北唐金城廢縣在縣北三十里

古淮堤在縣東十五里起依淮岸以東直接海一百四十里用

防淮水泛濫

桃源縣 衝東至府一百二十里

有水驛一張泗冲三義雀鎮白洋河河北赤鯉湖六鎮巡檢一駐史家集

漢置泗陽縣屬泗水國後漢省晉以後為宿預縣地唐宋為宿遷縣地金興定二年以宿遷縣之桃園鎮置淮濱縣屬泗州元光二年廢元至元十四年復置桃園縣屬淮安路明曰桃源黃河自徐州府宿遷縣東流入縣境又東逕清河縣界至縣西南清口與淮水合又東逕山陽安東阜甯過雲梯關大進口入海自清口以上皆古泗水故道清口以下皆古淮水故道也程子河在縣南七十里接泗虹州界受馬牙湖谷莊湖水東流入洪澤湖赤鯉湖在縣北七十里水通漣河元史褚不華傳劉甲守韓信城城門通沐陽阻赤鯉湖即此又有長湖及大莊邵

家谷莊紫林倉基等湖

泗陽故城在縣東

龍窩口堤在縣東南黃河南岸古老黃河也宋元時漕運由此明開通清口此道遂塞萬曆八年築堤

本朝順治十六年增築月堤以護之又有馬廠煙敦九里岡磯菊等堤

徐州府 衝繁難

原額人丁二十萬九千五百二十九又滋生人丁二萬八千八百四十二

禹貢徐州之域古大彭氏國春秋屬宋為彭城邑戰國屬楚秦置彭城縣漢元年項羽自立為西楚霸王都此五年屬漢為楚國地節元年改曰彭城郡黃龍元年復曰楚國後漢章和二年改曰彭城國三國魏始移徐州來治晉亦曰徐州彭城國義熙

七年改曰北徐州宋永初二年復曰徐州彭城郡北齊置東南道行臺後周置總管府隋開皇初郡廢七年行臺廢大業四年府廢復曰彭城郡唐武德四年復曰徐州兼置總管府貞觀十七年府罷天寶初復曰彭城郡乾元初復曰徐州屬河南道元和二年置武甯節度使咸通三年罷十一年改置感化軍節度五代晉復曰武甯軍宋亦曰徐州彭城郡武甯軍節度屬京東西路金改隸河南路元至元二年省彭城縣入之降為下州屬歸德府至正八年升徐州路十二年降為武安州明初復曰徐州屬鳳陽府八年屬南直隸

本朝屬江蘇布政使司雍正十一年升為徐州府後又移屬江甯布政使司分巡淮海河務道駐宿遷

府境 東西距三百四十里 南北距二百四十里

東至海州沭陽縣界一百四十里  
西至河南虞城縣界二百十里  
南至鳳陽府宿州界一百二十里  
北至山東滕縣界一百二十里  
東南至鳳陽府靈璧縣界一百九十里  
西南至河南永城縣治二百二十里  
東北至山東嶧縣治一百四十五里  
西北至山東魚臺縣治二百里  
自府治至京師一千一百六十五里

土貢 鐵 綾絹 石 五色土 石炭 藥

管縣七州一

銅山 蕭 碭山 豐 沛 邳州 宿遷 睢甯

銅山縣 衝繁難郭下 有馬驛二十塘一鎮巡檢二駐利國及桃山

春秋宋彭城邑秦置彭城縣漢為楚國後漢為彭城國宋為彭城郡治隋開皇初郡廢大業初復為彭城郡治唐為徐州治元至元二年省彭城縣入州明曰徐州



本朝雍正十一年升州爲府置銅山縣爲府治

定國山在縣東四里雲龍山在縣南二里常有雲氣蜿蜒如龍故名俗謂之石佛山唐景福二年朱全忠子友裕合擊時溥于徐州充帥朱瑾赴救汴兵敗徐充兵于石佛山下寒山在縣東南十八里晉建武初沛人周撫以彭城叛降石勒劉遐討撫戰于寒山山下有寒山堰梁蕭明伐魏堰清水以灌城徐山在縣南七十里銅山在縣東北八十里與利國驛連境舊常產銅因以名縣又有盤馬山在縣東北九十里漢時鐵官唐時鐵冶宋時利國監皆置于山下其陽有運鐵河元人建利國監橋于其上

呂梁洪在縣東南六十里上有呂梁山晉太元九年謝元平兗州患水道險澁糧運艱阻用督護閩人爽謀堰呂梁水樹柵立

七埭爲派擁二岸之流以利漕運公私稱便時進伐青州遂謂之青州派宋元祐四年京東轉運司言清河與浙江淮南諸路相通因呂梁百步兩洪湍淺險惡商賈不行乞度地勢穿鑿開修月河石堤上下置閘以時開閉通放舟船實爲長利從之明嘉靖二十三年管河主事陳洪範鑿呂梁洪平之運道益便青豕湖在縣東南七十餘里其東又有成山湖二湖相連凡四十餘里下流入邳州沂河又有雁麥張塘泮塘等湖

漢呂縣故城在縣北後魏南陽平僑郡在縣西北

曹公城在縣東南相近有呂布固圯城在縣北三十里今謂之茶城爲運道所經明嘉靖末黃河北徙城遂爲漕黃交會之衝後河口東移茶城乃爲內險

黃河堤在府境黃河兩岸有縷堤有月堤有格堤

本朝屢經修築

蕭縣 簡東至府五十里

有白土永固二鎮巡檢一駐張山

春秋宋蕭邑秦置蕭縣漢屬沛郡後漢屬沛國宋為沛郡治北齊廢郡改縣曰承高隋開皇六年又改曰龍城十八年又改曰臨沛大業初復曰蕭縣屬彭城郡唐屬徐州元至元二年併入徐州十二年復立

丁公山在縣南十五里丁固追漢高帝于此因名相山在縣西南六十里與宿州界

西流河在縣南二十里上承浮緩湖諸水逕縣西南又趨舊城南會于兩河口入黃河酈道元謂之箕谷二水白瀆水在縣西南縣又有姬村永固梧桐時村土形青莊等湖

縣故城在今縣西北宋時河決乃改築城南徙治明萬曆五年

又移今治扶陽故城在縣西南後魏龍城廢縣在縣東

紅亭在縣西南春秋昭公八年蒐于紅

碭山縣 簡東南至府一百六十里

戰國楚碭邑及下邑地秦置碭郡治碭縣兼領下邑縣漢五年改置梁國二縣皆屬焉晉省碭入下邑後復置宋屬梁郡後魏孝昌二年于下邑城置碭郡兼置安陽縣北齊廢郡以安陽縣屬彭城郡隋開皇十八年又改曰碭山大業初仍屬梁郡唐屬宋州光化二年朱全忠表以縣置輝州三年徙州治單父以縣屬之五代唐時屬單州金興定元年改屬歸德府五年屬永州尋為水圯縣廢元憲宗七年復置屬東平路至元二年併入單父三年復置屬濟州明洪武初改屬徐州

芒碭山在縣南接永城縣界班固云碭山出文石

黃河自河南虞城縣流入逕縣北及豐縣南又東逕蕭縣北又東南至銅山縣城東北又東逕邳州南睢寧縣北又東逕宿遷縣南入淮安府界自府城以北本汭水故道其南即泗水故道明時大河南徙遂占為經流又汭水舊自河南永城縣流入府境逕縣及蕭縣至府城東北入泗唐宋以來汭渠多自夏邑永城達宿州界又東至泗州入淮而入泗之流甚少其後大河決嘴遂奪汭渠故道為經流矣睢水亦舊自永城縣流入逕縣及睢寧宿遷入泗明嘉靖中自徐溪口至永城皆成平陸其在睢寧宿遷者明時謂之小河睢口謂之小河口礪水在縣境者亦久湮

縣故城在今縣南即今保安鎮又下邑故城在縣東抒秋故城在縣東六十里後魏安陽故城在縣東北麻城集

狐父城在縣南三十里

豐縣

簡東南至府一百五十里

有吳康一鎮

秦沛縣之豐邑漢置豐縣屬沛郡後漢屬沛國宋初省大明元年復立屬北濟陰郡北齊改屬永昌郡隋屬彭城郡唐屬徐州元改屬濟州及濟甯路後復舊

大澤在縣北六里豐西澤在縣西漢書高祖被酒夜徑澤中有大蛇當徑乃前拔劍斬蛇括地志斬蛇溝在縣西十五里水出平地入泗水

沛縣

衝東南至府一百二十里

有夏陽一鎮巡檢駐

春秋時沛邑秦置沛縣漢興四年改曰沛郡後漢屬沛國宋屬沛郡隋改屬彭城郡唐屬徐州金改屬邳州後屬滕州元太宗七年移滕州來治憲宗二年州廢復為縣至元二年省入豐縣

三年復置八年屬濟甯府十三年屬濟州明初還屬徐州

舊漕河在縣北自山東魚臺縣流入又逕銅山邳州宿遷歷淮安府之桃源清河會于淮即泗水故道亦曰清河一名泉河又泡水今名泡河在縣南自山東單縣流入至泗城驛合于泗班固云平樂包水東北至沛入泗又沙河在縣東北亦名南沙河舊注泗明嘉靖中以是河流沙梗漕乃築三埧遏之西注尹滿二湖

縣故城在縣東漢留縣故城在縣東南留城鎮明為運道所經廣戚故城在縣東

泗水亭在縣東一百步高祖微時為亭長于此

邳州 衝繁難西南至府一百五十里 有直河新安河口三鎮巡檢駐舊城

夏商時邳國戰國屬齊為下邳邑秦置下邳縣漢屬東海郡後

漢永平十五年置下邳國後魏于縣置東徐州梁改曰武州東魏復曰東徐州周改邳州隋省邳州以縣屬下邳郡唐武德四年復置州貞觀元年州廢屬泗州元和四年改屬徐州宋太平興國七年于縣置淮陽軍金貞祐三年復曰邳州明初以州治下邳縣省入屬鳳陽府改屬淮安府

本朝康熙二十八年遷州治于東北界艾山南仍屬淮安府雍正三年以州直隸江蘇布政使司領宿遷睢寧二縣十一年升徐州為府以州屬之

葛嶧山在州西北六里尚書禹貢嶧陽孤桐班固云葛繹山古文以為嶧陽艾山在州東一百里與山東沂州府界以產艾故名元魏時艾山縣蓋置于此

泗水自山東魚臺縣流逕沛縣銅山流入州境金元時黃河自

城北合泗又東奪泗水之流而泗皆為河明初為漕運所經亦曰漕河治水今名武河在州南舊入泗今久為黃河淤塞班固云南武陽冠石山治水所出南至下邳入泗過郡二行九百四十里沂水自山東郟城縣流入至州東分為二支西南流入運河其正流南入駱馬湖班固云蓋縣沂水南至下邳入泗過郡五行六百里青州濰

下邳故城在州東三里又漢良城故城在州北武原故城在州西北八十里沭口社

運河堤在州境及宿遷縣運河兩岸

宿遷縣

衝繁難西至府一百里

有邵店小河口白洋河三鎮巡檢一駐司吾

漢去猶縣屬臨淮郡後漢省晉義熙中改置宿預縣屬淮陽郡後魏又置宿預郡兼置南徐州景明初廢為鎮梁天監八年改

置東徐州東魏改置東楚州陳改安州周改泗州隋開皇初郡廢大業初州廢唐武德四年復曰泗州縣仍屬焉寶應元年避諱改曰宿遷元和中改屬徐州宋太平興國七年屬淮陽軍金初屬邳州元光二年縣省元至元十二年復置屬淮安軍十五年還屬邳州明初屬淮安府

本朝雍正十一年與睢寧並定屬徐州府

司吾山在縣北七十里漢置司吾縣以此山名司吾故城在今縣司吾鎮

運河在縣西北又逕邳州西至黃林莊入山東嶧縣界圖經自邳州南直河口起上至山東夏鎮即沭河古祖水也

宿預故城在縣東南漢凌縣故城在縣東南五十里下相故城在縣西又有下相社在縣西七里東晉晉寧廢郡在縣東南東

魏柵淵廢縣在縣西

睢寧縣簡西北至府一百二十里

有高作辛亥二鎮

漢置睢陵取慮二縣屬臨淮郡後漢屬下邳國晉元帝時于睢陵僑置濟陰郡宋泰始中廢入魏郡梁武帝于取慮置潼州東魏武定六年改置睢州尋廢隋為夏丘縣地唐宋為宿遷虹二縣地金興定二年分宿遷置睢寧縣屬泗州元初廢至元十二年復置屬淮安軍十五年屬邳州明屬淮安府潼水在縣東南酈道元謂之潼陂水入睢取慮故城在縣西南

海州

繁難

有高橋板浦莞瀆石湫新垠五鎮巡檢二駐高橋及惠澤

原額人丁三萬六千九百七十七

又滋生人丁二千六十五

禹貢徐州之域秦置朐縣漢屬東海郡劉宋泰始六年僑置青

冀二州兼置東莞琅邪二郡東魏武定七年改曰海州仍領琅邪郡後周建德六年改郡縣俱曰朐山隋開皇初郡廢大業初改州為東海郡唐武德四年復曰海州兼置總管府貞觀元年府罷天寶初仍為東海郡乾元初復曰海州屬河南道五代及宋亦曰海州東海郡屬淮南東路隆興初割以畀金嘉定十二年收復元至元十五年升海州路總管府尋改海寧府又降為海寧州屬淮安路明初省朐山縣入復曰海州屬淮安府

本朝雍正二年升為直隸州

州境

東西距二百七十里

南北距三百五里

八到

東至高公島大海一百二十里

西至山東鄒縣界一百五十里

南至淮安府安東縣界一百五十里

北至山東日照縣界一百五十里

東南至海二百里

西南至徐州府宿遷縣界一百六十里

東北至海一百里  
西北至山東沂州府治二百四十里  
自州治至京師一千七百里

土貢 鹽 紫菜 薏苡仁 冬青 扁竹 蝦米

管縣二

贛榆 沐陽

胸山在州南四里羽山在州西北與山東蘭山縣分界尚書舜典極縣于羽山班固云祝其縣禹貢羽山在西南鬱林山在州東北海中鬱洲山海經所謂郁山在海中者也  
海自山東安東衛斜石界入州境抵贛榆縣東十五里又南抵州城東十五里州東有古東海縣地懸居海中  
碩濩湖在州南又名大湖  
胸縣故城在州南史記始皇三十五年立石東海上胸界以為

秦東門闕班固云胸有鐵官龍且故城在州南漢曲陽故城在州西南東安故城在州西海西廢縣在州南

鍾離昧城在州南史記項羽亡將鍾離昧家在伊盧樂史云伊盧鄉亦名中盧摩破城亦在州南  
田橫固在州東北小高山田橫兄弟避亂所居也又呂母固在州東北巨平山南嶺上

韓信堰在州西又州南有龍且堰州東北有扞海堰  
鹽場在州東南圖經板浦莞瀆二鎮並有鹽場  
贛榆縣 簡南至州八十里  
有荻水口青口臨洪中岡站四鎮巡檢一駐青口

漢舊縣屬琅邪國後漢初省建初五年復置三國魏省晉太康元年復置梁分置南北二青州東魏武定七年以贛榆縣屬東海郡又置義塘郡及襄仁縣屬南青州高齊廢贛榆縣隋開皇

三年廢義塘郡以襄仁屬東海郡唐屬海州金大定七年改襄仁縣曰贛榆仍屬海州

夾谷山在縣西四十里左傳祝其實夾谷今祝其縣故城在縣西五十里

縣故城有二一在今縣東北漢縣也一在州東北東海故城北唐縣也隋末土人臧君相築卽此漢利城故城在縣西六十里後魏武陵郡故城在縣南懷仁故城在縣西義塘鎮歸義故城在縣北又有義塘廢郡在縣西北近莒州界卽後魏黃郭戎也紀鄆城在縣東北左傳齊伐莒莒子奔紀鄆又縣西十五里有莒城鎮卽古莒城世謂爲南莒有鹽官

沭陽縣

難東北至府一百二十里

有劉莊一鎮縣丞分駐錢家集

漢置厚丘建陵二縣屬東海郡後漢省建陵宋省厚丘蕭齊復

置厚丘及僮縣梁天監五年置僮陽郡東魏武定七年改曰沭陽郡兼置懷文縣後周建德七年改縣曰沭陽

本朝雍正二年定屬海州

建陵山在縣西北百里漢縣以此得名

沭水自山東剡城縣界流入逕縣西南歧爲二支一繞城北一趨城南俱東入碩蕩湖與海州及安東縣各得三分之一廣八十里袤四十里南有小河通淮北通桑墟湖班固云東莞術水南至下邳入泗過郡三行七百一十里青州濰

厚丘故城在縣西北四十里厚丘鎮建陵故城在縣西北建陵山下又漢陰平故城在縣西北四十里陰平鎮又有僮縣城在縣南六里

中城在縣西左傳成公九年城中城



曲沐戍在縣西北酈道元云魏正元中立大場遏沐水西流置城防之曰曲沐戍

通州 繁難 有狼山石港白蒲三鎮巡檢一駐呂東

原額人丁一十七萬六百四十七  
又滋生人丁五千九百二十四

禹貢揚州之域漢海陵縣地五代周顯德五年析置靜海軍尋置通州兼置靜海縣為州治宋天聖元年改曰崇州明道二年復曰通州政和七年賜郡名曰靜海元至元十五年置通州路總管府二十一年復為州屬揚州路明洪武初以州治靜海縣省入

本朝雍正二年升為直隸州

州境 東西距四百七十七里  
南北距一百二十里  
東至海一百九十二里  
西至鎮江府丹徒縣界二百八十五里

南至蘇州府昭文縣界三十里  
北至揚州府泰州界九十里

東南至海一百四十里  
西南至大江七十里

東北至海一百一十里  
西北至泰州界一百七十里

自州治至 京師三千六百九十五里

土貢 鹽 絲 鯨膠 乾腦魚 鱸魚醬 蝦米

管縣二

如臯 泰興

狼山在州南十八里吳越錢傳瓘帥戰艦自東州擊吳吳遣彭彥章拒之戰于狼山即此

海在州東南接蘇州洋西北接如臯縣東界

大江在州南自揚州府江都縣流入逕泰興縣南與常州府靖江縣分界又逕如臯縣及州南與蘇州府常熟縣分界東入海

利豐監在州南樂史云古煎鹽之所宋升為監管八場曰金沙西亭石港利和餘慶呂四馬塘豐利梭馬塘豐利掘港三場在如臯

范公堤在州東北

如臯縣

繁難東至州四十五里

有丁堰掘港二鎮巡檢二駐西場石莊

漢廣陵海陵二縣地晉義熙中析置如臯縣屬海陵郡隋開皇初省入甯海唐為海陵縣地五代南唐保大十年復置如臯縣屬泰州

本朝雍正二年與泰興並屬通州

運鹽河自泰州海安鎮東南流逕縣西北三十里又東南流入州西北二十里

晉臨江廢縣在縣南

泰興縣

疲難東至州二百四十里

有巡檢二駐印莊及口岸

漢海陵縣地五代南唐昇元三年析置泰興縣屬泰州宋以後屬揚州

舊縣在今縣北樂史云本海陵縣濟南鎮宋會要乾德二年徙治柴墟鎮紹興十四年又徙延令邨

海門廳

要

見在人丁

本通州東洲鎮五代周顯德中置海門縣屬通州元末水患徙治安禮鄉後復圯于海明正德以後皆寄治通州境

本朝康熙十一年省入州乾隆年又分州境置海門廳設海防同知駐沙洲直隸江甯布政使司

廳境

東西距南北距

八到

東至  
西至  
南至  
北至  
東南至  
西南至  
東北至  
西北至  
自廳治至

京師三千七百三十五里

土貢

海門島在廳東南海中李壽長編宋初犯死獲貸者多配隸登州沙門島及通州海門島有兩處崇明鎮以居豪強難制者東布洲以居懦弱者皆令煮海納官至興國五年復令隸鹽亭役使

故城在廳東一百七十五里

曾孫用勲校刊

乾隆府廳州縣圖志卷七

賜進士及第翰林院編修充

國史館纂修官臣洪亮吉撰

江蘇布政使司

蘇州府衝繁疲難

原額人丁四十三萬八千八百三十六  
又滋生人丁十二萬五千一百一十六

禹貢揚州之域春秋吳國都吳滅屬越戰國屬楚秦置會稽郡治吳後漢永建四年陽羨令周喜上書以縣遠赴會至難求得分置遂分浙江以東為會稽郡浙江以西為吳郡三國屬吳梁太清三年簡文帝以吳郡為吳州大寶元年復為郡陳貞明元年置吳州隋開皇中郡廢改州曰蘇州大業初復曰吳州尋復為吳郡唐武德四年復曰蘇州七年置都督府天寶元年曰吳郡乾元初復曰蘇州五代屬吳越宋太平興國三年改平江軍

節度政和三年升平江府屬兩浙路元至元十三年改平江路屬江浙行省明初改蘇州府

本朝為巡撫部院及江蘇布政使司按察使司治所織造兼理關務駐閫門外濬墅關海防同知駐常熟太湖同知駐東洞庭

府境

東西距二百二十里  
南北距二百五十里  
東至太湖倉州界一百二十里  
西至常州府宜興縣界一百里  
南至浙江嘉興縣界一百里  
北至大江通州界一百五十里  
東南至松江府青浦縣界一百二十里  
西南至浙江長興縣界一百三十里  
東北至通州界一百五十里  
西北至常州府江陰縣界一百六十里  
自府治至京師二千七百二十里

土貢

香秬 班布 錦 綾 絹 紗 羅 盛澤綿 苧布 藥  
草履 扇 蓆 采 綫 太湖石 葛布 夫容 汗衫  
口魚 銀魚 蕁 玉器 楊梅 梨 鱸 鱖 魚 雞 頭 佛手

柑 枇杷 櫛  
頂山栗

管縣九

吳 長洲 元和 崑山 新陽 常熟 昭文 吳江

震澤

吳縣 衝繁疲難郭下 有寶蘇錢局橫塘橫金光福三鎮縣丞駐木瀆巡檢三駐光福角頭東山

春秋吳國都秦置吳縣自漢迄今不改 包山在縣西南太湖中山有林屋洞又銅坑山亦在縣西南左

思吳都賦所謂采山鑄錢處也 太湖在縣西南禹貢揚州震澤底定周禮揚州藪曰震澤班固云吳縣巨區澤在古文以為震澤

長洲縣 衝繁疲難郭下 有陸墓蠡口望亭三鎮巡檢駐吳塔 唐萬歲通天元年析吳縣置乾元二年置長洲軍大曆五年軍

廢縣如故迄今不改

松江自太湖分流逕吳江縣東北流入縣境又東逕崑山入太倉州界古笠澤也亦名南江左傳哀公十七年越伐吳吳子禦之笠澤班固云吳縣南江在南東入海張守節云蘇州東南三十里名三江口一江西南上七十里至太湖名曰松江即古笠澤江也又婁江在縣東婁門外上承太湖東流逕崑山縣入太倉州界

運河自浙江秀水縣流逕震澤吳江入縣界又西北入吳縣界為胥江為南濠又北繞白公堤望亭入無錫縣界  
干隧在縣西北戰國策禽夫差于干隧

澚墅關在縣西北吳地記本名虎膠唐諱虎錢氏諱膠改為許市平江記事後人訛舊因于許字點水為澚市訛為墅迄今兩

稱之元置抽分司宣德四年廢景泰間設鈔關今不改

元和縣 衝繁疲難郭下 有姑蘇望亭二驛夷亭甫里二鎮 縣丞駐練塘巡檢駐周莊

本朝雍正二年析長洲縣置

虎丘山在縣西北吳越春秋闔閭冢在閭門外虎丘

崑山縣 疲難西至府七十里 有丘虛泗橋安亭三鎮巡檢 駐石浦

漢婁縣地梁天監六年改置信義縣大同初又分信義置崑山縣因縣有崑山得名元元貞元年升州明洪武二年仍降為縣澱山湖在縣南八十里滙蘇湖嘉興三府之水由西南趨入吳

淞江

婁縣故城在縣東北三里婁縣村信義廢縣在縣西二里

南武城在縣西北班固云婁縣有南武城闔閭所起呂候越

新陽縣 疲難西至府七十二里 有蓬閭一鎮巡檢駐巴城

本朝雍正二年析崑山縣置

常熟縣

繁疲難南至府九十里

有慶安福山許浦三鎮巡檢駐黃泗浦港

漢吳毘陵二縣地晉太康四年分吳縣虞鄉置海虞縣東晉咸康七年又分毘陵置南沙縣梁增置信義郡以海虞南沙二縣屬之大同六年又分置常熟縣隋平陳郡廢并所領海虞南沙等縣入常熟又于縣置常州尋移州治晉陵以縣屬吳郡元元貞元年升常熟州明洪武初仍降為縣

虞山在縣西括地志作海禺山

海虞故城在縣東晉東海僑郡在縣北南沙廢縣在縣西北五十里南沙鄉又梁興國廢縣在縣東

昭文縣

繁難南至府九十里

有梅李一鎮巡檢駐白茆

本朝雍正二年析常熟縣置

大江自常州府江陰縣流入縣境又東流入海

吳江縣

衝繁難北少西至府四十五里

有簡邨嚴慕盛澤三鎮縣丞駐盛澤巡檢二駐同里及汾湖

漢吳縣地唐曰松陵鎮五代梁開平三年吳越分置吳江縣屬蘇州元元貞元年升為州明洪武初仍降為縣

白蠅江在縣東南即古東江也宋元祐中單鏐議開白蠅江使太湖水由華亭入海又三江口在縣北吳越春秋越王將選死士出三江之口入五湖之中

長堤在縣東吳江古無陸路唐元和五年蘇州刺史王仲舒始擁土為塘宋慶歷二年以松江風濤漕運多敗舟遂接續松江長堤界于江湖之間堤東則江西則湖橫截江流五六十里治平五年知縣事孫覺易以石元至正六年那海復增修高廣

震澤縣

衝繁難北少西至府四十五里

有八赤一鎮巡檢  
駐平望

本朝雍正二年析吳江縣置

鶯脰湖在縣西南源自天目山東流至荻塘會爛溪水併出此

松江府

繁疲難

原額人丁二十萬九千九百四  
又滋生人丁五千二百九十二

禹貢揚州之域春秋吳地後屬越戰國屬楚秦屬會稽郡漢為  
會稽郡婁縣由拳海鹽三縣地後漢分屬吳郡隋為崑山縣地  
唐天寶十載始析置華亭縣屬蘇州五代時吳越分屬秀州宋  
屬嘉興府元至元十四年始置華亭府十五年改松江府  
屬嘉興路二十九年屬江浙行省泰定三年罷府天歷初復故  
明亦曰松江府

本朝因之分巡松太道駐上海分防同知駐川沙通判駐栢林

府境

東西距一百六十里  
南北距一百五十二里

八到

東至大海一百里  
西至蘇州府吳江縣界六十里  
南至蘇州府崑山縣界八十里  
北至蘇州府崑山縣界八十里  
東南至大海一百里  
西南至浙江嘉善縣界五十里  
東北至太倉州嘉定縣界一百里  
西北至蘇州府長洲縣界一百里  
自府治至京師二千九百五十里

土貢

綾 三梭布 花毯 鹽 談棧 顧繡 鶴 魚  
沙鉤 天花粉 黃雀 蕁 蘭筍 山茶 桃

管縣七

華亭 婁 奉賢 金山 上海 南匯 青浦

華亭縣

繁疲難郭下

有亭林葉謝曹涇栢林沙岡五鎮縣  
丞駐曹涇巡檢駐金山

漢由拳海鹽婁三縣地三國吳以後為嘉興海鹽婁三縣地梁  
以後兼為崑山縣地唐天寶十年始析置華亭縣

海鹽故城在縣南六十五里梁前京廢縣在縣南八十五里以近京浦因名

築耶城在縣東三十五里晉袁山松築

海府境上海南滙奉賢華亭金山五縣並濱海北抵太倉州南入浙江界舊有捍海塘東北自嘉定縣寶山迤西南至浙江海鹽縣澉浦巨三百三十里內外皆有溝塘相夾內曰運鹽河又曰橫港外曰塹濠又曰護塘溝前代屢經增修

婁縣疲難郭下有風涇一鎮縣丞駐白龍潭巡檢駐小微

漢縣名唐以後為華亭縣地

本朝順治十三年析置與華亭縣並治郭下

華亭谷在縣西吳地記谷周回二百餘里陸遜封華亭侯即此樂史云華亭谷水下通松江

梁胥浦廢縣在縣西南

奉賢縣疲難西至府九十里有陶宅南橋四團三鎮縣丞駐四團巡檢駐南橋

本朝雍正二年析華亭縣地置

金山縣疲難北至府七十二里有金山驛朱涇一鎮巡檢駐朱涇

故小官鎮明洪武十九年建金山衛

本朝雍正三年改為縣以縣東南九十里金山得名

黃浦江首受三泖東流逕縣北至上海縣東北與吳淞江合

上海縣繁疲難西南至府九十里有吳淞烏涇吳會閔行四鎮巡檢二駐吳淞及黃浦江

元至元二十九年析華亭置

滬瀆在縣東北松江下流也晉袁山松築滬瀆壘備孫恩即此海關在縣東北黃浦江南巡撫侍郎委官權稅



南匯縣

繁疲難西至府一百二十里

有下沙一鎮巡檢駐  
三林莊

本朝雍正三年析上海縣置

青浦縣

疲難東南至府五十里

有泗涇金澤朱家角趙屯  
盤龍黃渡七寶七鎮縣丞  
駐七寶巡檢二駐澱山新  
涇

明嘉靖二十一年析華亭上海二縣置青浦縣三十二年廢萬  
曆元年復置

本朝雍正三年又析青浦置福泉縣尋省

松江源出太湖自蘇州府崑山縣流入縣北又東逕上海縣與  
黃浦江合又東入海曰吳淞海口澱山湖在縣西三十里

舊縣在今縣東北三十五里即古青龍鎮也

常州府

衝繁疲難

原額人丁五十九萬二千七百八十六  
又滋生人丁五千二百三十九

禹貢揚州之域春秋時屬吳延陵季子食采于此秦為會稽郡  
地漢為會稽郡毘陵縣後漢分屬吳郡三國吳分置典農校尉  
晉太康初置毘陵郡元帝以避東海王諱改為晉陵郡隋開皇  
九年郡廢置常州大業初復曰毘陵郡唐武德三年復曰常州  
天寶初復曰晉陵郡乾元初復曰常州五代屬南唐元至元十  
三年升常州路明仍為常州府

府境

八到

東	西	南	北	東	西	南	北
至蘇州府常熟縣界一百四十里	至鎮江府丹陽縣界五十里	至浙江長興縣界二百里	至大江岸通州泰興縣界八十五里	至蘇州府長洲縣界一百四十里	至安徽廣德州界一百三十里	至通州如皋縣界一百七十里	至揚州府江都縣界一百二十里
東距一百九十里	西距一百八十五里	南距一百八十五里	北距一百八十五里	東距一百九十里	西距一百八十五里	南距一百八十五里	北距一百八十五里

土貢

綢絹 布 紙 蠟 烏銀 鐵器 蒲屨 席 茶 薯

管縣八

武進 陽湖 無錫 金匱 江陰 宜興 荆溪 靖

江

武進縣

衝繁疲難郭下 有奔牛青城阜通三鎮巡檢二駐 奔牛及小河

漢置毘陵縣晉永嘉五年改曰晉陵唐垂拱二年析置武進縣明洪武初復省晉陵縣入焉

大江在縣北自鎮江府丹陽縣流入又東逕江陰縣入蘇州府界班固云毘陵北江在北東入海

運河在縣城南自蘇州府吳縣界流入逕無錫縣城東又西北流逕縣南又西北入鎮江府界西蠡河在縣西南亦名南運河自宜興縣流入北合運河

縣故城在今縣西北七十里吳大帝改丹徒為武進晉武帝復

改武進曰丹徒又分丹徒曲阿二縣地置武進縣梁改為蘭陵

隋省晉蘭陵僑郡城在縣西北九十里姑幕僑縣城在縣東南

陽湖縣 繁難郭下 有橫林一鎮巡檢駐馬蹟山

本朝雍正二年析武進縣置以縣東五十里陽湖得名

馬蹟山在縣東六十里宋置馬蹟山寨元置巡司明初下常州

俞通海以舟師畧太湖入馬蹟山破張士誠水寨

無錫縣 衝繁疲難西北至府九十里 有潘封一鎮巡檢駐高橋

漢舊縣吳分置典農校尉省縣屬焉晉太康元年復置元元貞

元年升為州明洪武初復舊

錫山在縣西周秦間山產鉛錫漢興始乏古諺曰有錫爭無錫

甯遂以名縣

梁谿在縣西門外源出縣西慧山相傳古谿極隘梁大同中重浚故名

太湖在縣西南三十里宜興縣東四十五里

泰伯城在縣東南三十里今日梅李鄉劉昭云無錫縣東皇山有泰伯冢又闔閭城在縣西南五十里近太湖故址猶存

金匱縣繁難西至府九十里 有望亭一鎮巡檢駐

本朝雍正二年析無錫縣置以縣城中金匱山得名

江陰縣繁疲難西至府七十里 有楊舍夏港申浦三鎮巡檢駐顧山

漢毘陵縣晉太康二年析置暨陽縣梁太平三年析置江陰縣兼置江陰郡隋開皇九年郡廢縣仍屬毘陵郡唐武德三年置暨州九年州廢屬常州五代南唐昇元中置江陰軍宋熙寧四年軍廢建炎四年復置二十七年廢三十一年復置元至元十

四年升江陰路後降為州屬常州路明初改曰連洋州尋復為

江陰州洪武初改州為縣

申港在縣西三十里一名申浦

縣故城在今縣治東今名古城巷暨陽故城在縣東四十里晉

利城僑縣城在縣西十五里利城鎮有子城基

宜興縣疲難北至府一百二十里 有湖汶楊巷二鎮縣丞駐楊巷巡檢駐鍾溪及下邳

漢置陽羨縣晉永興元年于縣置義興郡隋初郡廢改縣曰義興唐武德七年置南興州八年州廢仍屬常州宋太平興國初改曰宜興縣元至元十五年升宜興府二十年仍降為縣二十一年又升為府兼置宜興縣為府治元貞初府縣俱廢改為宜興州明洪武初復曰宜興縣

陽羨故城在縣南五里一名蝦虎城晉國山故城在縣西南五十里永豐鄉西臨章溪臨津故城在縣西北五十里義鄉故城在縣東南八十里義山下宋綏安故城在縣西南八十里

章浦亭在縣西二十五里臧榮緒晉書周處封章浦亭侯又有山山亭風土記後漢蔣澄為山山亭侯

荆溪縣 疲難北至府一百二十里 有巡檢二駐張渚及湖

本朝雍正二年析宜興縣置

國山在縣西南三十五里吳孫亮五鳳二年陽羨離里山大石自立孫皓天璽元年封禪為中嶽改為國山

荆溪在縣南以近荆南山得名下注震澤班固云中江出蕪湖

西東至陽羨入海樂史云荆溪即漢志中江水也

靖江縣 難西至府一百五十里 有陳阜生祠堂新豐市三

漢海陵縣地唐為海陵吳陵二縣地屬泰州宋為泰興縣地元

改屬江陰縣明成化七年析置靖江縣

鎮江府 衝繁疲難

原額人丁十三萬七千六百三十七

又滋生人丁五百三十九

秦以前同松江府漢為會稽郡丹陽縣後漢屬吳郡三國吳曰

京城晉太康二年于丹徒置毘陵郡永嘉五年改晉陵郡咸和

四年僑置徐州永和中僑置南東海郡劉宋永初二年加徐州

曰南徐州梁天監元年改南東海曰蘭陵郡陳永定二年復曰

東海郡隋平陳州郡俱廢改縣曰延陵開皇十五年置潤州大

業初州廢屬江都郡唐武德三年復置潤州天寶初曰丹陽郡

乾元初復曰潤州屬江南東道建中初置鎮海軍節度五代屬

南唐宋仍曰潤州丹陽郡開寶八年改軍名曰鎮江政和三年

升為鎮江府屬兩浙路南宋屬浙西路元至元十三年升鎮江路總管府明初曰江淮府尋曰鎮江府

本朝因之分守常鎮通道駐此

府境

東西距二百二十里  
南北距一百三十六里

八到

東至常州府宜興縣界一百六十里  
西至江甯府句容縣界六十里  
南至常州府武進縣界一百八里  
北至揚州府江都縣界二十八里  
東南至宜興縣界二十里  
西南至廣德州建平縣界三百七十里  
東北至常州府靖江縣界一百二十里  
西北至揚州府儀徵縣界七十里  
自府治至京師二千三百三十五里

土貢

紋綾 布 銅器 鐵 魚 斑竹 茅山石 石鐘乳 藥 香草 薺 芫

管縣四

丹徒 丹陽 溧陽 金壇

丹徒縣

衝繁疲難郭下

有丹徒炭渚二驛丹徒高資諫壁大港新豐五鎮巡檢三駐高資安港丹徒鎮

春秋吳朱方邑後屬楚更名谷陽秦置丹徒縣三國吳嘉禾三年改曰武進縣晉太康二年復曰丹徒為毘陵郡治永嘉末為晉陵郡治永和中僑置郊縣為南東海郡治義熙九年移晉陵郡還晉陵并以丹徒屬南東海郡隋開皇九年改為延陵縣省丹徒入之十五年為潤州治大業初州廢屬江都郡唐武德三年復曰丹徒為潤州治

北固山在縣北南史京城西有別嶺入江高數十丈號曰北固焦山在縣東九里大江中亦名譙山蒜山在縣西九里晉隆安五年孫恩浮海奄至樓船千艘鼓噪登蒜山劉裕擊破之氏父山在縣西北七里大江中一名伏牛山亦名浮玉山李吉甫云

土俗謂之金山

大江在縣西北自江甯府句容縣界流入與揚州府江都縣分界又東逕丹陽縣入常州府界亦名京江

運河自常州府武進縣流逕丹陽縣南又西北逕縣西又北踰大江入揚州府界

潤浦在縣東隋置州取此為名亦名東浦  
縣故城在今縣東南丹徒鎮土人稱為舊縣

徐陵亭在縣西南圖經稱徐州記京口先為徐陵其地蓋丹徒之西鄉京口里也

丹陽縣

衝繁疲難西北至府七十里

有雲陽驛呂城延陵二鎮巡檢二駐呂城包港

戰國楚雲陽邑秦曰曲阿漢置曲阿縣三國吳嘉禾三年改曰

雲陽晉太康元年復曰曲阿縣唐武德三年于縣置雲州五年

改曰簡州八年州廢屬潤州天寶初改曰丹陽縣  
練湖在縣西北周八十里唐永泰中刺史韋損因廢塘復置以

溉丹陽延陵金壇之田新豐湖在縣東南晉元帝時張闔為晉

陵內史立曲阿新豐塘溉田八百餘頃  
晉延陵廢縣在縣南三十五里今為延陵鎮

劉繇城在縣西南  
大業壘在縣北晉咸和三年蘇峻之亂郝鑿于曲阿北大業里

築壘以分賊勢又慶亭壘在縣東  
長岡埭在縣西南破岡瀆吳雲陽七埭之一也齊永泰元年王

敬則自會稽舉兵西上過五陵口曲阿令丘中孚收船艦鑿長岡埭瀉瀆水以阻其路

齊高帝泰安陵在縣東北武帝景安陵在縣東三十二里明帝興安陵在縣北二十四里鎮江府志高武明三帝陵並在金牛

山

梁武帝修陵在縣東三十一里簡文帝莊陵在縣東二十七里

地名三城港

溧陽縣

繁疲東北至府二百四十七里

有舉善甃橋廣道三鎮

漢舊縣三國吳省晉太康元年復置隋開皇十八年併入溧水唐武德初復置元至元中升為溧陽路尋降為縣元貞初又升為州明初復為縣

本朝初屬江甯府雍正八年改屬

平陵山在縣西北三十五里鐵山在縣東南五十里新唐書溧陽縣有鐵卽此又有鐵冶山在縣西南七十里一名鐵峴山圖

經稱丹陽記云永世縣南鐵峴山出鐵揚州鼓鑄之地銅官山

在縣東南五十八里圖經昔嘗出銅故名

溧水在縣西北四十里亦作陵水一名瀨水又名永陽江卽班固所謂中江也又昇平湖在縣西七十里亦舊中江所經之地縣故城在今縣西北今謂之舊縣邨晉永世廢縣在縣南今俗

稱故縣平陵廢縣在縣西北

金壇縣

繁疲難北至府一百六十里

有巡檢駐湖溪

漢曲阿縣地隋大業末析置金山縣唐武德八年省入延陵縣垂拱四年復置改曰金壇縣

茅山在縣西與句容縣接界樂史稱河圖云句曲之山金壇之

陵故縣以名焉

神亭在縣西北太史慈遇孫策于神亭卽此

太倉州

繁疲難

有雙鳳一鎮巡檢二駐七浦及甘草

原額人丁一十七萬三千三十七

又滋生人丁一萬三千四十一

漢婁縣地梁以後為崑山縣地元為崑山州地明吳元年置太倉衛洪武十二年又置鎮海衛宏治十年始割崑山常熟嘉定

三縣地置太倉州屬蘇州府

本朝雍正二年升直隸州海防州同知駐茜涇

州境

東西距二百一十里

八到

東渡海至崇明縣東大海二百里  
南至蘇州府新陽縣界六十里  
西至松江府上海縣界六十里  
北至蘇州府昭文縣界四十里  
東南至松江府上海縣界一百二十里  
西南至松江府青浦縣界六十里  
東北至大海七十里  
西北至蘇州府常熟縣治一百里  
自州治至京師二千八百四十里

土貢

紵布 棉花 大紅布 崇明大布 涼纈

管縣四

鎮洋 嘉定 寶山 崇明

海州境並東濱海去州城東北七十里崇明懸居海中

婁江自蘇州府崑山縣流入環州城南而東至七十里婁河口

入海元時海運取道于此

鎮洋縣

繁附郭分治南偏

有茜涇沙頭二鎮

本朝雍正二年析太倉州置

嘉定縣

疲難北至州三十六里

有外岡安亭南翔三鎮縣丞駐南翔巡檢駐諸翟

漢婁縣地梁信義縣地隋唐為崑山縣膠城鄉宋嘉定十年析

置嘉定縣元貞元年升為州明洪武二年復為縣屬蘇州府

本朝雍正二年改屬太倉州



松江在縣南三十六里又東逕寶山縣西南與松江府上海縣

接界

名山松城

崇明縣

繁難南至州五十七里

有楊家河新鎮獬豸三鎮  
巡檢駐獬豸

唐為海中沙洲五代時楊吳置崇明鎮屬通州海門縣宋嘉定

十五年置天賜鹽場元至元十四年升為崇明州屬揚州明洪

武二年降為縣宏治十年置太倉州以縣屬焉

淡水洋在縣境東沙東北

舊州在今縣東北

寶山縣

繁波難西至州九十里

有高橋江灣大場羅店四  
鎮縣丞駐高橋

本朝雍正二年析嘉定縣吳淞所地置以縣南寶山得名

